

Իւրեանց թէ՛ ոչ արգելումք զՀայս յորժամ պատարագեն յԱյրին, որպէս մեք: Դատաւորն, ոչ գիտեմ, և ոչ խմանամ զպատարագն, եւ որպէս առնեն Յոյնք զայն եւս ոչ գիտեմ եւ ձեզ եւս ոչ կարեմ հրամայել, զի ընդդէմ է օրինաց խնոց: Հայք առաւել բարձրացուցին զձայնս. որովհետեւ չգիտել ձեւանաս զայն և ընդդէմ օրինաց քոց քարոզես, գոնէ հրամայեցէք թէ զոր ինչ առնեն Յոյնք յԱյրին, զնոյն և Հայք արասցեն: Վարանեալ տատանէր 'ի միտս իւր Դատաւորն, թիւրել հերքել թերի թողուլ զգործն չէր կարելի՝ յիշէր զնախորդն իւր. անմարթ էր փոքու իւրիք հաւանեցուցանել զՀայս և չկամէր վշտացուցանել զՅոյնս, օրն տարաժամեալ այլազգիք կամէին մեկնիլ, Հայք զպատասխան խնդրէին: Ապա յետ խորհելոյ Դատաւորին ընդ Նուրի Էֆէնտեայ, թողին զխնդիր պատարագին լուծանել յերուսաղէմ, զի երկնչէին Նուրի և ամենեքեան. մի գուցէ զիւզական Ֆէլլահք դրդմամբ Յունաց յարուսցեն աղմուկ մեծ մինչեւ լինիլ մարդասպանութիւն, զորոյ զկարծիս առեալ էին յառաջագոյն, որոյ վասնցայն վայր չխօսէր ինչ Նուրի, և ոչ առ Դատաւորն առնել այսպէս կամ այնպէս: Աղաչեցին Հայք զՆուրի յայտնի խօսիլ զբանն զոր խօսեցաւ յունկանէ՝ զի լուիցեն ամենեքեան: Յայնժամ ասէ լու 'ի լու բաղմութեան, ահաւասիկ տեսիք ամենեքեան թէ Հայք առին զմին 'ի բանալեաց, և զմի մասն եկեղեցւոյն սեփհական ինքեանց ըստ հրամանի Արքային և ըստ բանի վկայից, անարգել կատարել զպաշտամունս իւրեանց եւ Այրն բաժանորդ 'ի մէջ երկոցունց, այլ այժմ զնամք յերուսաղէմ, խորհիլ անդ 'ի վերայ խնդրոյ Պատարագին ըստ օրինաց Շէրիի, որպէս գրեալ է 'ի հրովարտակին, և զայն եւս կարգաւորեսցուք, լուիցեն ամենեքեան: Ի սոյն միջոցի ումանք 'ի Հայոց բերին զմի պատկեր եւ զմի լապտեր կախել 'ի վերայ փայտեայ դրան ըստ Յունաց. յաղաղակելն նոցա, յանդիմանեաց Դատաւորն և արգել զՀայս, և ապա մեկնեալ անտի գընացին յերուսաղէմ: Հայք մտեալ յեկեղեցին. լուցին զկանթեղս և պաշտեցին զհանգստեան աղօթս, եւ 'ի գիշերին կատարեցին զժամերգութիւն և պատարագ՝ փառաւորելով զտուրիչն սարգեւաց: Կային 'ի գննին Ֆէլլահ ժողովորդք